

# Boskamp verslag September 2014

Maande voortyd was daar reeds begin met die beplanning van die boskamp vir 2014. Daar was onder mekaar gesels waar sal ons hierdie keer gaan bos. Ek het ook geweet dat dit baie moeilik gaan wees om die vorige boskamp te kan namaak. Nadat mede-Sawanante my aanbeveel het om te gaan kyk na die Bergrivier-oord, het ek en Tanya een Sondag uitgery en was dadelik beïndruk en oortuig dat dit die plek gaan wees vir die volgende boskamp.



Die tyd het aangebreek vir boskamp 2014, en ek het die Vrydag verlof geneem om soos met die vorige boskamp, eerste daar te wees en al die kampeerders te verwelkom. Ongeveer 10:00 het ek en Tanya gery om die eienaar eerstens te gaan verwittig dat die res op pad is, en dat ons die mede bos kampeerders kon verwelkom. Die weer was nie baie aangenaam die Vrydag nie, maar ons sal die beste van hierdie saak maak, net soos met al die ander Sawa kampe.



Ongeveer 15:00 het Tinkie en Michelle by ons aangesluit en vinnig het die res gevolg. Met boekvat en inbetaling was ons dan 12 tentkamp-gesinne wat reeds daar was. Vinnig is inbetaling gedoen en die gelde gebalanseer. Tanya het vir ons boekvat gehou met die tema van "Het jy twee rigtings". Daarna het ons gou die gelde gaan inbetaal. Met ons terugkeer het Johan Rautenbach ons verras deur ook by ons aan te sluit wat ons dan 13 kampeer gesinne gemaak het.



Vrydagaand is daar net rustig gekuier om die braaivleisvure. Die nag was bitter koud en daar was ook heelwat "leeus" wat in die kampterrein gebrul het (of was dit die manne en vroue wat so gesnork het). Teen 06:00 was almal reeds wakker en uit die tente aangesien dit bitter koud was en daar is vuur gemaak om bietjie hitte te maak. Tot ons verbasing het die weer gedraai en was dit n lieflike dag en aand, die Saterdagnag het almal dan ook lekker kon slaap en was dit glad nie so koud nie.



Saterdagoggend 09:00 het Tanya weer vir ons boekvat gehou, hierdie keer was die tema "Dra mekaar se laste". Daarna het ons die staproete deur die kloof aangedurf tot by die waterval, net Willie Conradie was bereid om verder te loop, en sy terugvoering was dat dit nog mooier verder aan is. Terug by die kamp het almal verder rustig verkeer. Later toe die moegheid bietjie gekwyn het, het n klompie van ons bietjie jukskei gespeel tot groot vermaak van die res, want sommige van ons kan glad nie n skei gooie nie.

Saterdagaand het ons dan die kampvuur konsert gehad waar die meisiekinders ons vermaak het met hul dans passies en natuurlik het Jacques Strydom en sy span dan die jakkals vang-metode vir ons gedemonstreer. Verder is daar heerlik gebraai en gekuier. Daar was maar vroeg ingekruip. Teen 22:00 was dit doodstil in die kampterrein, want almal was maar moeg na die lang dag en al die aktiwiteite. Sommer gou het die "leeus" weer die kampterrein besoek..



Sondag was daar maar lui-lui opgestaan en het ek dan vir ons die kerkdiens hanteer met die tema van "Genade". Sommige het vroeg opgepak, want die kinders skryf eksamen. Die wat dan nog agtergebleb het, het dan heerlik kos gemaak en later ook maar huiswaarts gekeer.

Ek bedank dan ook almal wat die moeite gedoen het en hierdie kamp meegegemaak het. Dit was n plesier om dit vir julle te kon reël. Ek hoop almal het dit net so baie geniet soos ek en Tanya.

Groete  
Jan Hugo